



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

19. Alia aquæ benedictæ miracula.

urn:nbn:de:hbz:466:1-45701

brachio dolor Patrem inuasit, quem vsque ad finem supplicatio-
nis coactus est tolerare. Vbi domum redijt, aqua benedicta
brachium abluit, simulque dolorem ex tempore absterfit. Di-
cebant omnes, me tunc ad hoc malum fuisse destinatum, quod
ea quadragesima, pro concione, vehementius in Sagas dixissem.
Sed Deus sciens infirmitatem meam, succidaneam substituit ho-
stiam, me patientiorem. Nec mirum est harum muliercularum
artes aquam pati non posse, cum ignibus debeantur.

Neque valet tantum contra diabolica, sed etiam contra
naturalia morborum mala lustralis hæc aqua. Antiochiæ, An.
Domini 390. illustris quædam mulier, cui nomen Euclia, qua-
tuoriam filios amiserat, iamque etiam quintus ardenti febre
laborans morti proximus erat. Mater itaque illius sollicitudi-
nis plena ad S. Chrysostrum aduolauit, eumque ardentissimis
precibus, pro filij sanitate rogauit. Ille autem, vbi diuinitus
vidit, parentum peccata filijs mortem accersere, *Hunc quoque,*
dixit: quintum, nisi eorum, qua fecistis, vos subierit poenitentia, vi-
debitis è vestigio mortuum, & exanimem. Quo audito, parentes
veram, & sinceram poenitentiam promiserunt. Itaque Chry-
sostrum, aquam iussit afferri, quam, cum ter signasset in nomine
SS. Trinitatis, & ter eam aspersisset ægrotum, à morbo liberum,
prorsusque sanum parentibus restituit. Simile miraculum pa-
trauit idem Diuus, ante fores templi, quod mulier Marcionis hæ-
resi infecta, & intestinorum tormina patiens, immò iam non
patiens, est deportata. Nam cum eam, eiusque maritum de er-
rore suo grauitè admonisset, illique traditam à parentibus
hæresin ejurassent, flexus eorum oratione Ioannes, *iussit aquam*
afferri, cui cum diuinum signaculum iniecisset Pontifex, mulieri infu-
dit in Christi nomine. Quod quidem cum factum esset, qua in lecto de-
cumbebat, statim surrexit sana, & cum marito, & ciuibus, una voce,
vnanimè Christum magnificabant. Magnificarent fortasse & nostri
hæretici, si similem aquæ benedictæ fructum experirentur; enim-
uerò fortasse experirentur, si magnificarent. De Malachia Hi-
bernix Episcopo S. Bernardus hæc refert. *Malachias profectus à*
nobis prosperè peruenit in Scotiam: & inuenit David regem, qui ad
huc hodie superest, in quodam Castello suo, cuius filius infirmabatur ad

M m m mortem.

XIX.

Metaphrast.
13. Nou. in
vita S. Ioan.
Chrysostr. An.
Domini. 390.

Idem. & refert
etiam Leo
Imp. in orat.
de laud. Io.
Chrysostr.

S. Bernard in
vita S. Mala-
chiz. Sur. 3.
Nou. An. 1148.

mortem. Ad quem ingressus honorificè à rege susceptus, & humiliter exoratus, ut sanaret filium suum, aquà, cui benedixit, aspersit iunè, & intuens in eum, ait: Confide, fili, non morieris, hac vice. Dixit hoc, & die sequenti secundùm dictum Propheta, secuta est sanitas, sanitatem latitia Patris, clamor & strepitus totius exultantis familia. Et pertransiens Scotiam, in ipso introitu Angliæ diuertit ad Ecclesiam Giffburnensem, ubi habitant viri religiosi, canonicam ducentes vitam, ab antiquo familiares ei pro suà religiofitate. Ibi adducta est ad eum mulier patiens morbum, quem Cancrum vulgò appellant, ipso horrendum visu, & sanauit eam. Nam ubi aquà, cui benedixit, aspersa sunt ulcerum loca, dolorem non sensit. Die verò sequenti vix ulcera apparebant.

XX.
S Greg. Tur.
in vit. S.
Quintiani.
An. Dom. 506.

Paria scribit S. Gregorius Turonensis de S. Quintiano Auer-nensi Episcopo, Hortensium senatorij Ordinis virum, cum omni domo sua, ob superbam calumniam, maledicente; nam cum omnes febris corriperebantur, Hortensiusque ipse sibi metueret, veniam supplex petiuit. Quam ille breuissimè indulgens, benedictam aquam domui transmisiit: illaq; per parietes respersa, omnis agri-tudo protinus est depulsa, ac magna ibi virtus apparuit: nam & qui morbum incurrerant, sanati sunt: & qui sanati erant, ultra non in-

S Greg lib. 1.
dial c. 10 Ba-
ron. Tom. 7.
An. 537. 11.

currerunt. Paria refert D. Gregorius de S. Fortunato à quodam Gotho duos pueros abductos repetente; qui quia reddere eos recusauit, lapso equo coxam bis fregit. Itaque ictus sapiens pueros reddidit, diacono dicens: Vade, & dic Domino meo Episcopo: Quia maledixisti mihi, ecce percussus sum: Sed pueros, quos quaesisti, recipe, & pro me, rogo, intercede. Susceptos itaq; pueros Diaconus ad Episcopum reduxit, cui benedictam aquam venerabilis Fortunatus statim dedit, dicens: Vade citius, & eam super iacentis corpus projice. Perrexit itaq; Diaconus, atque ad Gothum introgressus, benedictam aquam super membra illius aspersit. Res mira, & vehementer stupenda! mox ut aqua benedicta Gothi coxam contigit, ita omnis fractura solidata est, & saluti pristina coxa restituta, ut horà eadem de lecto surgeret, & ascenso equo ita cæptum iter ageret, ac si nullam umquam lesionem corporis pertulisset. Factumq; est, ut qui sancto viro Fortunato pueros cum pretio reddere obedientie subiectus noluit, eos sine pre-

Ven. Bedal. 5. tio pœna subactus donaret. Paria tradit Venerabilis Beda de B. Ioanne